

皇清經解續編卷四百四十四

南菁書院

毛詩傳箋通釋二十九

桐城馬瑞辰元伯著

周頌

臣工

嗟嗟臣工傳嗟嗟勅之也工官也箋臣謂諸侯也諸侯來朝天子有不純臣之意於其將歸故於廟正君臣之禮勅其諸官卿大夫云正義將戒先嗟而又嗟重歎以呼之曰我臣之下諸官謂諸侯之卿大夫也瑞辰按爾雅釋詁嗟咨嗟也釋文嗟本或作𦵏引字林曰皆古嗟字大元曹曰時嗟嗟范望注嗟𦵏長歎也說文作𦵏云𦵏咨也嗟嗟本咨歎之聲據烈祖箋重言嗟嗟美歎之深則又爲美歎之詞小爾雅嗟發聲也文選吳都賦注

引爾雅舊注嗟楚人發語端也今按此詩及烈祖詩並言嗟嗟皆當爲發端之語故臣工保介烈祖竝可言嗟嗟耳臣工二字平列猶官府之比工與官雙聲故官通借作工小爾雅工官也堯典允釐百工史記五帝紀作信飭百官皆工卽官之證臣工蓋通指諸侯卿大夫言之箋以臣爲諸侯工爲卿大夫非詩義也

王釐爾成來咨來茹箋釐理咨謀茹度也王乃平理女之成功女之事當來謀之來度之於王之朝無自專瑞辰按王與往古同聲通用釐當爲禧之段借爾雅釋詁禧告也說文禧禮告也王釐猶言往告也禧借作釐猶爾雅禧福漢書多借作釐春秋僖公通作釐公也成熟一聲之轉故古以穀孰爲成書言百穀

用成孟子苟爲不孰趙注孰成也呂氏春秋明理篇五穀萎敗不成高注成熟也王釐爾成謂往告爾以豐成也此爲遣諸侯於廟之詩故言往作王者段借字耳來者詞之是也來咨來茹猶言是咨是茹下文嗟嗟保介卽告以所當咨度之事箋以釐爲理之段借又以來爲來咨度於王朝竝失之

嗟嗟保介箋保介車右也月令孟春天子親載耒耜措之於參保介之御閒介甲也車右勇力之士被甲執兵也瑞辰按天子諸侯孟春勸農保介爲同車之人故自車中戒之箋據月令釋爲車右是也月令措之於參保介之御閒文有譌誤當从呂氏春秋作措之參於保介之御閒之猶與也謂參於保介與御者之間也月令鄭注保猶衣也按保與祿義近被甲者爲保介猶

小兒衣謂之襍也介與甲雙聲故甲可借作介至呂氏春秋高注保介副也蓋讀介如賓介之介朱子集傳云蓋農官之副又因高注而申言之然云蓋者擬議之詞非於經傳有確證也於皇來牟將受厥明箋將大也於美乎赤烏以牟麥俱來故我周家大受其光明謂爲珍瑞天下所休慶也瑞辰按爾雅釋詁明成也古以年豐穀孰爲成周書糴匡解成年年穀足賓祭是也上言王釐爾成謂往告以豐成也上告之則下受之故言將受厥明明亦成也國以豐年爲瑞成與瑞亦雙聲受厥成猶言受厥瑞也箋訓明爲光明失之古者嘉穀豐年多歸功於天降如云誕降嘉種自天降康語皆相類非眞種自天來也箋據周書赤烏以牟麥俱來釋之殊非詩義又按將受厥明對下迄用

康年而言謂將且受厥成也箋訓大亦非

迄用康年傳康樂也箋至今用之有樂歲瑞辰按說文糠穀之皮也或省作康是康本穰之或體周書諡法解糠虛也爾雅釋詁糠虛也釋文引郭云糠本或作荒說文禴虛無食也是康荒音義正同廣雅荒大也則康亦可訓大與豐年訓大同義年大則樂故康又訓樂諡法解豐年好樂曰康是也則康年猶云樂歲矣迄至也至猶致也迄用康年猶云用致康年箋云至今用之失其義矣

序乃錢鏹傳序具錢鏹鏹鏹瑞辰按爾雅釋詁時具也時者倚之段借考工記注引詩倚乃錢鏹本三家詩說文兩引詩序乃錢鏹本毛詩也說文倚待也儲倚也序儲置屋下也義皆相近

繫傳本無耒字疑耒亦待之或體說文錢鈹也古者田器又鈹字注一曰田器鈹古段作耒爾雅耒謂之耒郭注皆古鈹耒字說文耒字一曰利也引爾雅耒謂之耒文選注引爾雅作鈹謂之耒是耒卽鈹耒卽耒也方言畱燕之東北朝鮮洌水之間謂之耒郭注此亦耒聲轉也方言又曰趙魏之間謂之耒郭注字亦作耒是耒鈹耒三字同皆卽耒之聲轉說文耒刺內也釋名耒插也插地起土也或曰銷銷削也能有所穿也銷亦耒之聲轉今俗通以插地起土者爲鐵耒猶古語也說文耒字注一曰田器正義引釋名耒耒類也釋器斲耒謂之定李巡曰耒也郭璞曰耒屬廣雅定謂之耒此曰耒耒當是一器但諸文或以爲耒卽耒或曰耒類古器變易未能審之今按古耒以耒艸然有

偃耨立耨之分釋名耨似鋤偃耨木也耨亦鋤田器也耨迫也迫地去艸也是則耨耨一物皆偃耨所用其柄短呂覽任地篇耨柄尺此其度也其耨六寸所以閒稼也是也鋤正作鉏說文鉏立耨斫也爾雅斫謂之鍤郭注鍤也說文鍤大鉏也其柄長六韜軍用篇柴鍤刃廣六寸柄長五尺以上是也耨爲鉏類而非卽鉏正義未能審定故詳言之

奄觀銍艾傳銍穫也箋奄久觀多也終久必多銍又勸之也瑞辰按方言奄遽也陳頴之閒曰奄遽者疾速之意奄爲久又爲遽義以相反而相成奄觀銍艾甚言其收穫之速乃所以爲勸耳觀與灌音近而義同灌爲叢聚卽多也故觀爾雅及毛傳竝訓爲多良耜穫之揜揜傳揜揜穫聲也說文銍穫禾短鎌也揜

穫禾聲是掙與銓有別而爾雅釋訓銓銓穫也及此詩皆作銓者段借字也艾亦乂之段借說文乂芟艸也或作刈乂穫乂穀也是芟艸穫穀通謂之乂

噫嘻

噫嘻成王傳噫歎也嘻和也成王成是王事也箋噫嘻有所多大之聲也噫嘻乎能成周公之功瑞辰按釋文本作意嘻云意本又作噫同蓋古字段意爲噫也戴氏震曰噫嘻猶噫歎祝神之聲儀禮既夕篇祝聲三注三有聲存神也舊說以爲聲噫興也士虞禮祝聲三注聲者噫歎也禮記曾子問注聲噫歎警神也詩爲祈穀所歌故噫歎於神以爲民祈禱今按戴說是也噫嘻疊韻噫歎雙聲噫嘻卽噫歎之段借爾雅釋詁祈告也釋言

祈叫也郭注祈祭者叫呼而請事噫嘻祝神正卽叫呼之義噫
嘻成王蓋倒文謂成王噫歎爲聲以祈呼上帝也故下卽云旣
昭假爾謂旣昭假於上帝也至傳訓嘻爲和胡承珙曰說文無
嘻字言部謔痛也又謔可惡之謔一曰謔然春秋傳曰謔謔出
出今左傳作謔謔出出是謔謔字通又口部唉謔也與言部謔
然同義方言欸謔然也廣雅欸謔然謔也是謔唉欸三字皆謔
聲之詞此傳云嘻和者說文和相謔也蓋以噫爲歎而嘻和之
嘻卽謔之段借又傳嘻和正義本作嘻敕也曾釗謂傳蓋以嘻
爲釐之段借書允釐百工史記作信飭百工釋名敕飭也釐可
訓飭卽可訓勅二說申傳頗爲詳辨然非詩義箋以噫嘻爲有
所多大之聲亦非又按成王傳言成是王事當指天子言正義

謂周公爲成王失之箋謂能成周公之功亦非

率是農夫箋又能率是主田之吏農夫瑞辰按爾雅釋言峻農夫也孫叔然曰農夫田官也古者田官稱田峻七月詩傳峻田大夫也或省稱田月令命田舍東郊鄭注田謂田峻主農之官是也或單稱農郊特牲大蜡饗農鄭注農田峻是也爾雅言峻農夫者峻之言俊謂長也夫當讀如大夫之夫王尚書曰率人曰夫凡經傳言準夫牧夫嗇夫馭夫膳夫宰夫皆率人之義故郊特牲曰夫也者夫也夫也者以知帥人者也此詩言爲天子所率正義云若田農之夫非王所親率故知農夫是典田之吏蓋申鄭說則然至毛傳不釋農夫據甫田傳農夫食陳則傳意農夫卽農人於下文駿發爾私文氣尤順李黼平曰國語王耕

一撥班三之庶人終于千畝庶人卽農人何言田農之夫非王所率正義以箋義爲傳義失之

駿發爾私傳私民田也言上欲富其民而讓於下欲民之大發其私田耳箋駿疾也發伐也瑞辰按釋文云浚本又作駿是釋文本作浚正義作駿與又作本同據周語土乃脈發韋注引農書曰春土冒櫛陳根可拔耕者急發駿發卽急發箋訓駿爲疾是也爾雅釋詁駿速也說文趨行速趨趨也又彡行彡彡也廣雅趨犇也竝與駿訓疾義同呂氏春秋音律篇曰大簇之月陽氣始生草木萌動令農發土毋或失時亦駿發之義伐通作坡說文坡坡土也一畱土謂之坡段玉裁曰一畱所起之土謂之坡來部云耕廣五寸爲伐二伐爲耦與考工記耜廣五寸二耜

爲耦一耦之伐廣尺深尺謂之畎正同發謂發此一伐之土周語王耕一墾韋注一墾一耜之墾墾亦伐也又說文莠莠也莠字注云春艸根枯引之發土爲墾故謂之莠是莠與伐墾墾竝字異而音義同釋文本箋重一發字云發發伐也正謂發爲發此伐土釋文又云一本無一發字與今正義本同則後人妄刪之耳考工記一耦之伐謂所起發之土量得二耜合於一耦之數則謂之伐正義言以耜擊伐此土失之

終三十里傳終三十里言各極其望也箋周禮曰凡治野田夫閒有遂遂上有徑十夫有溝溝上有畛百夫有洫洫上有塗千夫有澮澮上有道萬夫有川川上有路計此萬夫之地方三十里少半里也耕言三十里者舉其成數瑞辰按此當以箋說

爲允傳言各極其望正義謂人目之望所見極於三十今按古
有極言所望之遠者詩云維此聖人瞻言百里是也有實指其
所望者論衡書虛篇云人目之所見不過十里是也目所極望
未聞其三十里爲極至疏引王肅云三十里天地合所之而三
十則天下徧惠定宇曰五六三十易之數也五六十一三統歷
曰十一而天地之數畢又五六天地之中合易大傳曰五位相
得而各有合故云三十里天地合終三十里終竟復始詩通於
易矣此又與正義釋傳各極其望異義皆未若箋說之確

振鷺

序振鷺二王之後來助祭也箋二王夏殷也其後杞也宋也正
義如樂記之文武王始封夏后於杞而漢書酈食其說漢王曰

昔湯伐桀封其後於杞武王伐紂封其後於宋者主言夏殷之滅其後得封耳以伐夏者湯克殷者武故繫而言之不言湯卽封杞武卽封宋也瑞辰按大戴禮少閒篇曰成湯乃遷姁姓於杞列子殷敬順釋文引世本曰湯封夏於杞周又封之均與酈食其言湯伐桀封杞合是夏之封杞實始於湯紂時或已中絕武王復以杞封之故漢書梅福傳云武王克殷未下車存五帝之後封殷於宋紹夏於杞正以宋是肇封故言封杞是繼絕故言紹正義謂武王始封於杞且謂酈食其不言湯卽封杞失之振鷺于飛于彼西雝傳興也振振羣飛貌鷺白鳥也雝澤也箋白鳥集于西雝之澤言所集得其處也瑞辰按魯頌有駉篇振振鷺鷺于飛朱子集傳以鷺爲鷺羽舞者所持蓋據下文醉言

舞知振鷺爲羽舞也今按此詩振鷺于飛亦當指羽舞言陳風
宛丘篇值其鷺羽是鷺羽可爲舞也莊二十八年左傳楚令尹
子元欲壘文夫人爲館於其宮側而振萬焉是舞可稱振也振
鷺于飛蓋狀振羽之容與飛無異于如古通用爾雅釋詁如往也詩箋于往也
于卽如于段借于飛卽如飛也振鷺一名振羽仲尼燕居篇徹以振羽
鄭注振羽當爲振鷺是也蓋因其爲羽舞故一名振羽耳舞以
習容故下云亦有斯容言如舞者之動容中節也序言助祭當
於宗廟而詩云于彼西雝蓋祭畢而宴於辟雝也

以永終譽箋永長也譽聲美也正義以此而能長終美譽言其
善於終始爲可愛之極也瑞辰按終與眾雙聲古通用後漢書
崔駰傳豈可不庶幾夙夜以永眾譽義本三家詩毛詩作終卽

眾字之段借猶詩眾穉且狂卽言終穉且狂也中庸釋此詩曰君子未有不如此而蚤有譽於天下者也有譽於天下卽眾譽也詩承上在彼在此言之亦爲眾譽正義讀如終始之終失之

豐年

亦有高廩傳廩所以藏盭盛之穗也箋亦大也瑞辰按莊述祖毛詩口義曰穗當爲委穗委聲近而訛其說是也春秋公羊傳曰御廩者粢盛委之所藏也穀梁傳曰甸粟而內之三宮三宮米而藏之御廩廩人注藏米曰廩皆廩以藏米之證粢盛卽米不得言穗孔疏但就誤文曲爲之釋失之亦爲語詞箋讀爲奕訓大亦非

萬億及秭傳數萬至萬曰億數億至億曰秭箋萬億及秭以言

穀數多正義數萬至萬曰億數億至億曰秭於今數爲然定本
集注皆曰數億至萬曰秭釋文數億至萬曰秭一本作數億至
億曰秭瑞辰按正義本及釋文引一本作數億至億曰秭是也
一切經音義卷六引筭經黃帝爲法數有十等謂億兆京垓壤
秭溝澗正載及其用也有三謂上中下下數十萬曰億中數百
萬曰億上數萬萬曰億也毛傳於伐檀楚茨篇竝曰萬萬曰億
此傳數萬至萬曰億皆是據上數言是知秭亦上數當作數億
至億曰秭至說文秭字注一曰數億至萬曰秭太平御覽卷七
百五十引風俗通十十謂之百十百謂之千十千謂之萬十萬
謂之億十億謂之兆十兆謂之經十經謂之垓十垓謂之捕十
捕謂之選十選謂之載十載謂之極其所云捕卽秭字之譌

秭从